


黔陽縣志

地 274.181
38
: 1~12



同治十三年重修

黔陽縣志

學署藏板

重修黔陽縣志序

志以紀實也古者得人之盛簡吏之賢與夫山川之名勝物產之菁華胥寓諸志然非悉徵其實卽不足備採擇而登載籍予前宰麻陽事惟求實不務虛名逮奉大府檄飭修志於籌費編集採訪諸事均擇邑之實心實學者任之予亦以事簡訟稀時與參訂凡忠孝節烈嘉言善行足光一邑而垂後世者尤殷殷焉而不厭求詳蓋深慮其實之或乖云事甫竣更捧黔陽之檄下車後取邑志觀之自乾隆己酉修訂後迄

黔陽縣志序

今垂八十餘年天時人事互異迭增非逐類纂輯不無湮沒之感幸陳用階司馬延新化易君以謀其始陳汝霖直刺更爲籌費以繼其事予竟得藉兩君之力以觀其成亦云幸矣至斯邑之風土人物較麻陽過無不及卽增補各類亦洪纖具舉詳略咸宜不失循名責實之意邑人士苟知所觀感爭自濯磨黜華崇實蒸蒸焉軼厥先民將出可供

朝廷之任使處可爲里黨之儀型豈不懿哉是則予之厚望也夫

同治十三年甲戌之冬補用直隸州調權黔陽
縣事鄂城吳兆熙序

黔陽縣志序

二

重修黔陽縣志序

黔陽楚地也而邑以黔名以界於黔耳縣屬之托口距黔省天柱縣屬之損洞僅六十里原爲九牙諸蠻之衝宋置若於此疆域形勢詳於邑乘則楚南通志黔陽其要也攷縣志自乾隆五十四年重修後迄今垂八十餘年中間苗頑犯境而興廢沿革之事又更幾許矣同治壬申秋余捧檄黔陽時總理通志局觀察樾岑裴公諭云黔陽縣志續修尙未屬稟是邑也逼近苗疆爲楚西門戶年來苗患甫平援防楚軍次第凱

黔陽縣志序

三

旋其邑之圖籍改觀與夫人物之繼起又當增而輯之余下車伊始詢知採訪略備迺擇期開局與諸紳士商酌修訂癸酉六月後督修邑廣文譚君介眉纂修易君子范暨局中諸紳士或以試事赴省或各有事他適而編輯楊生琅霄則病久而痊因輟數月迨甲戌仲春之初新令尹吳君筱山來邑瓜代續加考訂書始告成夫邑隸於楚而與黔省繡壤相接則楚志也亦黔志之藉以攷證歟此當日黔陽之所由名而志之亦所以異於他邑也

攝理黔陽縣事卽補同知直隸州丁卯庚午湖
南鄉試同考官乙卯科舉人陳瀾序

黔陽縣志序

四

序

沅水爲離騷香草之區其源遠其流清以長其勢浩瀚而雄於湘楚唐改龍標爲沅州蓋以沅水實始名此而非若今之沅郡本濞溪而特借稱耳生其間者類多樸茂秀傑之士萬山環水曲折以達於湖五溪靈氣黔陽特萃其佳勝焉歲辛未作權知縣事每喜聞邑中掌故流連古蹟名區尤嚮往於忠孝節義之卓卓可風者及檢舊志則缺有間矣且自乾隆己酉閱今八十餘載其間建置修廢學校兵防人物又事與時

黔陽縣志

序

五

易前乎此者漸就堙蕪顧猶遲之又久乎時予方匆匆案牘未暇臧謀是冬兼奉大憲檄催乃與學師譚君介眉及邑士紳定議遂以明年春仲開局而延新化易君燮堯屬稿因相商摧體制倣永清武岡志例求約無夸求信無巧務在折衷古義以備採擇之資公餘嘗日三至心念此至切也會稿未就而予瓜代有人旋赴省垣然未嘗一日去諸懷今春陳君汝霖復以代去卒其業者爲吳君筱山書成都卷六十裒然巨册披覽再三如覺沅流清遠洋洋乎適我志

賜進

矣夫曠典重興獨黔邑之人心爲之共慰耶
士出身前工部屯田司主事改湖南同知丁卯
癸酉充湖南鄉試同考官署黔陽縣知縣貴筑
陳鴻作序

黔陽縣志序

六

序

語云善作者不必善成言始之不易而終之尤難也然苟得實心力任事之人則雖向之屢起屢躓毅然成之而無難雖然豈易求其人哉黔陽志自乾隆己酉復修今且八十餘載矣嘉慶季年復修湖南通志邑成稿既歸烏有道光壬寅邑侯楊君少曄與黃虎癡學博刊採訪條例分遣各鄉士紳業定期修舉矣亡何中止又十年咸豐壬子張君松亭復申前議事將行亦不果修蓋成事若斯之難也然猶曰時無人以督

黔陽縣志

序

七

迫之耳自

齡

以同治丁卯司鐸此邦前任陳君

少卿明府屢奉

大府檄催顧方苗疆不靖軍

書旁午匆匆戎馬間且夕防警未遑也乃以屬

邑進士陳邗堂先生始稍稍綴稿焉然所採無

幾事輒寢凡行而遽止不一而足久矣辛未冬

前署縣事陳君用皆司馬力主其事

齡

亦奔走

其間明年秋杪司馬以瓜期滿去代者爲陳君

汝霖直刺今春復以代去於是吳侯筱山司馬

實由麻陽移篆以來竭力殫心約期蒞事書編

六十卷凡古事舊志所有罔或遺無者皆爲攷

入至乾隆以還一一剖析分載而一邑文獻之
所有乃燦然明備於八十年之後其自壬寅迄
今三十三載之屢議不就者一旦聿觀厥成亦
可慰矣齒雖不文獲覩斯盛抑豈非厚幸者與
同治十三年仲冬月黔陽縣教諭新化譚與齡
序

序

黔陽古鐔成地龍標入城而鱗起沅澗夾流而鏡清在昔王少伯以謫宦來尉饒昭武以興學化民山川鬱鬱文雅彬彬而此外百家著述不詳掌故歷朝史冊僅紀方名湖勝國及前代都無邑志之可徵書編於

國朝者三康熙丙午纂其凡雍正壬子承其曰乾隆己酉更其新顧距今八十餘載之政績人物如浮雲幻影弱草棲塵又多不可復識矣變堯少侍先人往來此邦前後幾三十年熟聞邑故

黔陽縣志序

九

事撐拄胸臆磊落崢嶸念官書曠典生斯土者尙難以自主况在他人壬申春貴筑 陳用皆先生權邑時議甫定遽招人局泉府未集幾中輟而弗行乃粗舉體例匆匆具稿促就開雕未暇求精也經 陳侯汝霖今 吳侯筱山履任經營始克歲事癸酉甲戌館於城近邑紳補未訖者若干卷賴邑中多士眾志成城而楊君琅霄實任斯役而臻厥成凡有所得輒復傳稟商摧蓋一以守土諸公藉爲稟承焉今夫三長四患五弊作史固爾而志亦有同情至濫收者易

蔽採訪者難真師友阿好親故飾稱自古有之
尤末由核覈而使之二分明然善善從長不欲
疑片善甄錄不欲遺懍懍乎人非鬼責知我譽
誰此則孤衷可共質用以應當路之採擇而望
來者之嚴去取求慎矜焉書成並繫例言於左
簡時山冷微雪寒煙積闌朔風如語不勝輾轉
俯仰夫先我而逝後我而生

同治十三年甲戌之冬候選訓導新化易燮堯
謹序

黔陽縣志

凡例

一志與史義有異同然文不雅馴薦紳先生亦難言之世傳華陽國志三輔皇圖尙已前明秦中諸志著述家多推重其書而盛稱於時則康氏武功志韓氏朝邑志

國朝陸稼書靈壽志三書爲最顧對山侈陳家世而邑大事多略五泉撮舉大意止六千餘言須注乃明猶有病其不詳者且康韓皆閉戶著書名山卒業故能成一家言非紛紛採輯去取難專者比近章氏學誠永清志折衷史裁目簡事詳識者往往用之如畢鎮洋尙書湖北通志許蓮舫太史武岡州志鄧湘皋先生寶慶府志各書是也茲編約用其例雖微有變通要非獨創

黔陽縣志

卷之首

凡例

一

一邑乘備資採擇貴其善收至府而省而一統則以次從略貴其善棄體勢所繫如此茲編總目凡八曰紀曰表曰圖曰考曰書曰略曰傳曰記析爲六十餘門末著外篇懼其雜也要皆依據古今一一分吹不敢貽濫竽之誚

一黔陽志始南宋饒令敏學元則朶兒赤雲甫明則余茹三書皆不傳矣

國朝康熙丙午張氏蓉園始纂輯十卷雍正癸丑王氏劍虹增修皆體例未諳而簡陋譌舛邱貉相仍乾隆己酉姚氏慎亭舉而更之辨謬正紛實取裁沅州府志較之張王舊編殊爲完善然考据多遺搜討未備往往於景物寺觀務極夫藻繪鋪張考事者放失旣多徵文者勸懲鮮據則亦蕪與漏之不免耳茲援史裁變例起義與舊志詳略異宜去取殊致不相師

要不相妨也第中間遼絕八十餘載其嘉慶二十四年續修通志時邑中成稿既散佚無存而書科文卷亦零星不具此則非載筆者所能爲力矣要之舊事無所爲變更而必撮其要領掌故不嫌於詳備而必求其分明非惟備官司之守亦俾荒遠僻處未詳公典往事者得所稽求

一近志類以

列聖訓諭散具各門而

欽頒書籍每冠於藝文首夫

天章宸藻煥若雲霞經傳史編炳如星日乃至下與臣庶私集並立一門揆之體統實所未安竊見蜀中隆昌志開卷首列最爲嚴正今依其例敬錄以冠全書所以肅

朝章尊

黔陽縣志

卷之首

凡例

二

國典昭

列聖之大法焉

一黔陽自

國朝順治四年隸版圖至十五年始安生業康熙十三年又遭吳逆之變未幾底定值

聖聖相承深仁厚澤民之食茅踐土者二百餘年於茲矣舊志散見

兵防中而恤政僅附賦役後殊非仰體

國恩之意查寶慶府志用編年法爲大政紀一卷不分今古體裁正大然由近及遠由今溯昔義在尊

時固不如仍許氏例敬冠以

皇朝大政紀而古大政附之非曰拘泥實以重

國體也

一星有分野好詳者或一邑而泛及全省其略者偶舉一二端無可依據至率以冠首尤屬濫觴茲於軫度所經據漢書武陵郡屬別爲表志俾知彈丸之地雖無可專而義繫方隅烏衡同劃鶉尾分躔亦天象之不容自外者也後附以占候祥異尤係邑中故事分野之義實具於此自與他志泛言星野有同異之分

一邑治建置沿革一統志稽考甚精今搜覽鄰近各志附參細注使彼此混合者釐然反正若夫鄉都村地原有定區自張蓉園不以里計糧惟隨糧戶之出入名之有分人而無分土故里之大小廣狹變易不常村莊亦轉移無定蠹書得以挾持作奸弊實緣此在當時未深揆其害今且伊於胡底茲仍舊志特存其名而已

一黔陽山水甲於五溪舊志藻飾有加意在傲鄙注柳記然引喻失義徒取費辭茲著爲考刪蕪就質其新採者尙數十條悉爲補入方位以縣治定中線星羅碁布隅正碁分與舊志概以水道左爲東南右爲西北者有真偽之別至溪水源委亦沿經流左右剖析詳登蓋圖所不及可按志語而知更附獨峒五溪二考獨峒於舊志兵防中摘出而五溪入沅在黔陽地者實有三焉因類標題爲補前郡縣志所未及眼前所不及詳

一古蹟舊志寥寥今博採旁搜論列於篇至碑刻宋元明皆有之如古泉山館金石文編亦經考及舊志不列金石一門已爲缺憾而乾隆中教諭袁淑先明倫堂記將宋代題名碑竄入志所收僅此棄古錄今類預特甚茲於古蹟門標題詳列

七百餘年不磨之業自與河山並永亦俾後來嗜古之士有所考而輕重不淆其餘冢墓喬木並以類登

一志乘紀載與

朝廷六典相通六典所以宏綱維而表明備也茲惟刑書律例義無可專而案牘牽連亦礙難登舉爰編五書吏則官師俸祿之增減吏胥之裁設繫焉戶則田賦倉儲風俗物產繫焉其學校祀典壇廟祠祭則詳禮書而軍政所屬皆入兵書修廢所統皆入工書事以類從書以事合庶繁冗之陋廓而清之一丙午癸丑志職官選舉姓名下漫書事跡己酉志譏其似表非表似傳非傳允矣然其所謂表者仍非司馬氏例也且姓名錯落按之舊史通志多所不符爰倣表式旁行斜上自唐宋迄今悉力考訂遺者補之謬者正之至選舉門己酉志並

黔陽縣志

卷之首

凡例

四

綴監生今則不勝紀矣茲編文士止於貢生餘皆以實職為主武自守備而上惟有翎者準

朝廷奏牘例雖外委不遺至表中或科名或保舉或援例不得不分隸各條故姓名有再三見者義例使然知者諒其矜慎之心可也

一方志每詳文略武殊非設官之意而黔陽承平日久營汛無可稱述逮邊疆告警凡皆統兵自外來者也然苟事關本邑曷可忽諸舊志紀名宦兢兢於省垣大府而功在邑地者反不一及其疎可知茲特編政績武功二略文則令尉儒學各以類區武亦考歷代及

國朝均緣事立傳爰遺棠蔭義激干城與邑人士共溯洄之

一班史藝文志纂次書名近世漫錄詩文非古義也己酉志附

載各條下最爲妥協然不列藝文一門邑中先後著述堙墜無考心血消磨士林減色可勝慨哉茲搜輯成書竝存其目不欲使黃土沈埋終無生氣况棗梨現在珍者如獲拱璧可以志而遺之乎

一志人物往往冠以列傳而別綴治行儒林文苑等目考其傳非必皆史原文也列傳一類不近於贅乎至若舊志列忠孝於文苑之後尤失輕重之倫矣茲統以列傳列女按類詳分片善亦錄而節烈婦女尤多所考訂蓋舊志所登未旌者十之八九至道光十七年始援新例一體彙旌其時編有龍標節孝錄第多舊志所無又有名無傳此次採訪之稿於節孝錄或有或無末由整齊因一一分明而新增之特旌彙旌末旌亦細爲分注雖然荒區僻壤沈淪者抑豈無人哉

黔陽縣志

卷之首

九例

五

人哉

一列傳有互見者如伍通標邱忠玉詳武勳名亦列忠義之類是也獨行暗仍舊志好義篤行分載而統歸一門不能強合亦不欲故分云

一列女或冠夫名或首某氏前史原無定例近有執夫爲妻綱之說者必先以夫名亦未通觀君臣父子之綱也茲用史例之首某氏者以人重也至賢媛間書誥命以德著女宗尤

盛世所樂許耳

一勝國殉難諸臣我

朝乾隆初

特命採錄仰見

褒忠卹義天覆地涵政無所庸其忌諱黔陽邱烈士式籽畢命武

昌有自祭文血性淋漓忠魂哀感舊志僅載序端二語不錄其文豈當時

詔諭久已炳如日月猶未及見乎道光季年黃氏虎癡輯邱園文集刊而傳之庶幾知所向矣今載入邱氏傳尾並恭錄

純廟

詔書以表忠烈而釋羣疑至咸豐同治間迭遭粵逆苗變凡原

野捐軀閉門盡節皆據事實或傳或彙謹遵

上諭一體登載俾死綏仗義之儔同垂不朽

一明季

國初兵事屢經舊志統兵制於兵防究之武功缺然非制非防彼此淆亂又但紀流寇滇逆而不及闖賊舍元兇授首之地而斤斤於過往之兵疎漏實多茲倣晉書例作載記二卷如苗防兩篇一叙古事一載近事闖賊全錄明史紀事後幅粵逆

黔陽縣志

卷之首

凡例

六

據縣抄以著於篇餘摘舊志兵防一例詳列

一方志喜錄詩文藉徵文獻然徒務虛張非侈則陋茲於外篇輯文編三卷初登丙午癸丑己酉志序比物此志從其朔也次則

國朝以來賢令尹公牘文皆籌商利弊念切民瘼者惟張蓉園龍見田兩明府最多張則悉取舊志龍則宰黔隨錄得失之鏡膏澤之流未嘗一日不在人心目也未編王少伯宦楚詩以龍令曾刻石芙蓉樓者文采風流照耀今古又豈獨爲唐代詩人重乎

一舊志志餘一卷原以各類無可附入而又不宜遺者但掌故無多足觀茲略爲去取而仍其名更增輯古今軼事如春申君稱黔陽人丙午癸丑志以之冠首謬矣而已酉志竟刪之

亦成缺典今編諸志餘并附考於後抑亦存疑之意歟他如鬼神怪異墨客遷流與夫事近駭聞理實所有者隨登數條顧屬稿愨愨不遑徵考未能博觀而約取也要之拾遺補闕不外區區矜慎之心卽謂全書告成皆作如是觀可

一全書義例與舊志殊要其援據本事撮錄按語並徵引各書名目悉爲載明或標列於前或側註於下非徒不掩人善亦俾後來有所考據云

一塘府志凡例云各類兩見或從其所重則語加詳或雖非所重而義不可遺則語稍略俱依古史例註明詳見某處互見某處又各條間附按語事有所疑則析之義有所指則明之前有踏駁則辯正之旁有雜說則折衷之然必依古樹義非敢妄參臆斷蓋涑水考異之例云云今悉遵之亦姚志所

謂無庸更作者也

黔陽縣志總目

紀三 聖諭 大政 古政

表四 星野 沿革 職官 選舉

圖二 縣治 疆域

考二 山川 古蹟

書五 吏 戶 禮 兵 工

略三 政績 武功 藝文

傳二 列傳 列女

載記二 記上 記下

外篇二 文編 志餘

黔陽縣志

卷之首

總目

黔陽縣志目錄

卷首

目錄

凡例

卷一

恭紀

聖諭 訓官 訓士

欽頒書籍

卷二

皇朝大政紀

卷三

古大政紀

黔陽縣志

卷之首

目錄

二

卷四

星野表 考附

祥異附

古侯附

卷五

沿革表 考附

官 卷六

輿地圖 縣治 疆域 附形勝 鄉都 市鎮 場墟

卷七

山川考 山

卷八

山川考 水

卷九

山川考 巖洞

卷十

山川考 獠峒考附 五溪類考附

卷十一

古蹟考

卷十二

古蹟考 金石 附塚墓 喬木



卷十三

吏書 官制 奉祿 吏胥

卷十四

戶書 戶丁 田賦 屯田 雜稅 起運存留經制各款

卷十五

戶書 倉儲

黔陽縣志 卷之首

目錄

卷十六

戶書 風俗

卷十七

戶書 風俗

卷十八

戶書 物產

卷十九

禮書 慶典 學校



卷二十

禮書 書院 義學 賓興附

卷二十一

禮書 秩祀 壇廟

卷二十二

禮書 雜祀

卷二十三

兵書 兵制 奉餉 營汛 均徭 關隘 鋪站 器械
民壯 弓兵 工食 附 兵米 附

卷二十四

工書 城池 公署 廨舍 附 養濟院 育嬰堂

卷二十五

工書 塘堰 津梁 津渡

卷二十六

工書 寺觀 亭閣 坊塔

君

卷二十七

職官表

黔陽縣志 卷之首

目錄

四

卷二十八

職官表

國

卷二十九

選舉表

讀

卷三十

選舉表 附 援例 封典

書

卷三十一

政績略 令尉

卷三十二

政績略 儒學

卷三十三

武功略

卷三十四

藝文略

卷三十五

列傳 治行

卷三十六

列傳 武勳

卷三十七

列傳 忠義

卷三十八

列傳 孝友

志

卷三十九

列傳 儒宿

黔陽縣志

卷之首

目錄

五

卷四十

列傳 文學

卷四十一

列傳 獨行

卷四十二

列傳 獨行

卷四十三

列傳 任俠

卷四十四

列傳 耆壽

卷四十五

列傳 力技 釋道 流寓附

石

卷四十六

列女 節婦

卷四十七

列女 節婦

卷四十八

列女 節婦

卷四十九

列女 節婦

聖

卷五十

列女 烈婦

卷五十一

列女 孝婦

黔陽縣志

卷之首

目錄

六

卷五十二

列女 貞孝烈女

卷五十三

列女 賢淑

卷五十四

列女 壽婦

卷五十五

載記 苗防上 苗防下 理獠

卷五十六

載記 闖賊 流寇 滇逆 粵逆

賢

卷五十七

外篇 文編

卷五十八

外篇 文編

卷五十九

外篇 文編 附詩

卷六十

外篇 志餘

右縣志六十卷創始於 陳侯用階集事於 陳侯汝霖

圖成於 吳侯筱山而實聘梅城 易子范廣文秉筆 誦

不敏猥與編校之役矢公矢慎近續八十年之缺典遠補

百千歲之遺聞庶幾存掌故而備採擇斯其志也顧屬稿

未就 易君改館於外 誦 亦因病假歸既屢奉名促強起

料理賴 易君卒肩其事乃得藉為稟承參互考訂久而

黟陽縣志 卷之首

目錄

七

成編要其為書體裁具而或近於寬攷據詳而仍多所闕

知與不知容有議其後者嗚呼豈得已哉 學師譚介眉

夫子曰方志之修自昔難之而尤莫患於可志者有弗志

而或志其可弗志者今志詳略取舍義例皆見諸篇其亦

可以告無罪矣至刪繁補闕俟諸將來凡為志者類然吾

子復何歉乎 誦 退而謹誌之用以寓區區無窮之意其字

畫小誤格式偶乖則以陸續刊成頗難更正故也同治十

三年季冬月楊大誦謹識

黔陽縣志原修姓氏

編撰 康熙五年

黔陽縣知縣 霍邱拔貢張扶翼

補刊 康熙二十二年

黔陽縣知縣 金壇進士于棟如

增輯 雍正十一年

黔陽縣知縣 德清拔貢王光電

主修 乾隆五十三年開局五十四年成書

黔陽縣知縣 臨穎進士姚文起

襄事

澱浦縣歲貢生 向達禮

纂修

黔陽縣志原修姓氏

邑舉人 危元福

邑拔貢生 唐廷佐

邑拔貢生 潘尙清

校勘謄錄

邑生員 胡一元

邑生員 危人貞

邑生員 謝光耀

邑書院肄業生 高其湘

邑書院肄業生 危添

邑書院肄業生 邱兆元

黔陽縣志重修姓氏

主修

前工部屯田司主事改湖南同知署黔陽縣知縣 貴筑陳鴻作

湖南卽補同知直隸州知州署黔陽縣知縣 長江陳瀾

湖南補用直隸州麻陽縣知縣調署黔陽縣知縣 江夏吳光熙

督修

六品銜黔陽縣儒學教諭 新化譚與齡

纂修

候選 訓導 新化易燮堯

督刊

鹽提舉銜湖南候補通判原任黔陽石橋司巡檢 懷甯任慶松

六品銜黔陽典史 海豐吳立志

黔陽縣志重修姓氏

二

湖南試用從九品 山陰俞祥麟

代理石橋司巡檢 京山周逢年

編輯

優廩生 楊大誦

監修

花翎四品封階附生 易堯揚

花翎四品銜分部郎中廩生 黃作述

花翎貴州補用同知直隸州知州前常甯縣教諭附生 向義田

花翎運同銜湖北試用知縣廩生 廖玉琳

候選主事改分發同知優貢 危德連

理問銜儘先選用巡檢監生 鄧才選

藍翎五品銜試用訓導附生 張寶樹

經理

湖北試用同知監生施大觀

州同銜監生馮家儒

校對

恩貢生高權之

拔貢生楊楚材

拔貢生黃忠勳

分校

童生丁良熾

收掌

國子監典簿銜候選教諭優廩生向壽山

採訪

黔陽縣志重修姓氏

三

運同銜候選同知直隸州知州廩生危錫瓚

五品銜湖北試用知縣監生楊大魁

湖北陞用知縣卽補縣丞附生謝宗沆

國子監典簿銜候選教諭拔貢生楊基善

試用訓導廩生向渥中

試用訓導廩生蔣伯錫

試用訓導廩生向學知

試用訓導歲貢段汝浩

選用從九文童向文熙

知府銜監生李昌經

五品銜監生趙爲春

訓導銜增生金宗智

翰林院待詔銜增生陳雯

翰林院待詔銜監生廖玉琅

恩舉人王世柏

恩貢生楊壽三

歲貢生向宗鯉

歲貢生楊煥廷

附貢生唐日章

優廩生易澍春

優廩生易盛選

優附貢生高思懋

廩生周才森

附生邱道森

附生丁措臣

附生潘德淵

附生蔣復青

附生覃秀彥

附生蒲朝圭

附生唐家澤

附生謝石林

附生易和羹

附生楊謙光

附生胡鍾嶠

附生李曉春

附生湯日卿

附生

黔陽縣志 重修姓氏

附

生 馮千驥

附

生 周性靈

附

生 向希孟

監

生 易紹紀

繕書

附

生 易湘諤

附

生 楊興傑

附

生 丁建寅

附

生 易孔儉

候

生 高揚之

主

生 楊楚漢

事

生 湯焯

黔陽縣志

重修姓氏

五

從

九 陳寶琛

童

生 向忠衡

童

生 曾傳漳

校刊

湖

南

試

用

從

九

品

福建陳文庭

監

生

河南梁 幹

藍翎運同銜陝西儘先補用同知直隸州知州文童 危炳光

理 問銜儘先選用訓導廩生 王述謨

繪圖

藍翎五品銜試用訓導附生 高朝棟

查卷

縣書吏
縣學書

永州梓士

鄒建理
楊果亭

全刊